

mus, quandoquidem ut primo colloquio satis à te responsum est. Pro inde uideor mihi recte facturus, si nostram hanc confabulationem, & quæ ipse interrogarim, & quæ tu propitius responderis, literis prodita, tradam amicis legenda, si qui sunt digni, qui tua dicta accipient.

CRONOSOLON, id est. SATVRNALIVM LEGVM
LATOR, ERASMO INTERPRETE.



AEC ait Cronosolon sacrificus, & idem uates Saturni, earumq; legum conditor, quæ quidem ad festum pertinēt. Quid pauperes facere oporteat, id alio misso libro illis ipsis perscripti. Neq; dubito quin eas leges seruent, alioqui obnoxij futuri pœnis, quæ gravissimæ decretæ sunt in eos, q; minus paruerint. Vos autem diuites, uidete ne hæc mandata prætergrediamini, neq; negligatis. Nam si quis secus fecerit, is sciat se non me neglecturum legis latorem, sed ipsum potius Saturnum, qui me condendis festi sui legibus deligit. Haud ille quidem in somnis uisus, sed nuper cum uigilante palam congressus. Erat autem neq; compedibus uinctus, neq; situ obsitus, quem eum pictores fingunt, exemplar à deliris poëtis mutuati, uerum factum quidem tenebat peracutam. Cætera uero & hilaris erat, & ualidus, regioc; apparatu. Atq; hac quidem specie mihi uisus est. Cæterū quæ locutus est, planè diuina sunt, & in his hæc digna, quæ uobis prius exponam. Nam ubi me uidit animo moestum inambulantem, mox intellexit, quippe deus, quæna esset molestiæ causa, uidelicet grauiter me ferre paupertatem, ut qui non pro temporis ratione unicā uestem haberem, cum iam esset gelu, multuſcq; flaret Boreas, glacies ac nix, aduersus quæ ego minime communitus eram. Multo magis autem, quod cum festum instaret iam proxime, reliquos uiderem apparantes, quæ ad uictimas, quæcq; ad conuiuia requirebantur, mihi uero ipsi res non admodum ad festum instructas esse. Iam à tergo accedens, auréq; præhensa, ac uellicata, Nam hac specie se mihi consueuit ostendere. Quid istud sibi uult (inquit) Cronosolon? uidere mihi sollicitus. An non æquum inquam here? Cum impios ac scelestos homines opibus superfluere, & solos delitijs frui uideam, ipse uero, mecumq; complures alijs docti, cum inopia, summaq; rerum penuria uitam degimus? Ne tu quidem here, cura his rebus finem imponere, & ad æqualitatem reuocare. Tū ille, Cætera quidem, inquit, haud facile fuerit innouare, quæ uobis à Clo tone, reliquisq; Parcis accident. Porro paupertatis malum uobis corrigeram, quatenus ad festum attinet. Sit autem hæc corrigendi ratio. Abi-

Cronosolon, ac mihi leges aliquot conscribito, ostēdens quid obseruandū sit in festo, uti ne diuites inter se se festum celebrēt, sed uobis sua bona impertiant. At non noui, inquam, leges conscribere. Quin ego, inquit, docebo te. Mox cōgressus, ordine me docuit. Deinde cum cuncta perdidicisse, Et illud, inquit, illis dico, nisi seruarint hæc, tum ego profecto sine causa falcē hanc acutam circūfero. Alioqui ridiculus sim, si cum patrem Cœlum execuerim, non item castraro diuites istos, qui cunctæ leges meas uiolauerint, ut iam euirati, Cybeli matri se adiungant cum tibijs ac cymbalis. Hæc ille minabatur. Quare recte facietis, si leges non prætergrediamini. Lex prima. Ne quis quid intra festi tempus agito, neq; publicum, neq; priuatum, nisi quæ ad lusum, ad uoluptatem, animi cōblectationem pertinebunt. Opsoniorum & bellatorū artifices soli in opere sunt. Aequalitas omnibus esto, seruis, libertis, pauperibus, diuitiis. Irasci, indignari, minari, ne cui liceat. Ratōnem exigere ab ihs, qui res curant Saturnalitas, ne id quidem fas esto. Ne quis argentum, uesternue expendit, néue inscribito solennitatis tempore, ne quis exerceatur, néue literis operam dato, aut recitato, nisi si quæ sint urbana, lepidaque, quæ dicacitatem respiant, ac iocum.

Lex secunda. Multo ante festum diuites, singulorum amicorū nomina in tabella scribūto. Porrò pecuniā paratam habento, ad decimā partē annuorum fructuum. Præterea quicquid illis superest uestiū, & quicquid est cultus pinguioris, cōsūt ut ipsis cōueniat. Ad hæc argenteorū uim non modicam. Atq; hæc quidem in promptu sunt. Cæterum ante solennitatem porcellis circūagitor, atq; ex ædibus eiſciuntor sordes, auctoritatis & quæstus, & si quæ id genus alia sunt plætiq; diuitum domestica. Deinde ubi domum perpurgarint, tum rem diuinam faciunto Ioui diuitiarum largitori, ac Mercurio munifisco, atq; Apollini magna donanti. Deinde circa uesperam tabulam illam, amicorum nomina teneat, relegunto. Distributis autem pro cuiuscq; dignitate muneribus, ante solis occasum amicis mittunto. Porrò qui deferant, ne plures tribus, quatuorue sunt, atq; hi certissima ex famulis fide, iamq; natu grandes. Ascribatur autem in literis, & quid mittatur, & quantum, ut ne utriq; suspectos habere possint eos, qui perferunt. Atq; ipsi ministri unico quisq; calice epoto, domum recesserunt, neq; præterea quicq; ab eis postulanto. Doctis omnia dupla mittuntur, Nam hos æquum est geminam accipere portionem. De muneribus cōsūt modestissime simul, & cōsūt paucissima uerba fiunto, neq; graue quicq; in literis quisq; ascribito, nec odiose laudato quæ mittuntur. Diuiti diues ne quid mitto. Neq; locuples Saturnalibus æquali sorte quempiam conuiuio accipito. Ne quid eorum quæ in hoc deprompta fuerint, ut mittantur, servante.

Olim publi
ce lustraban
tur domus
porcello cir
cumacto.

DES. ERAS. ROTEROD. INTERPRĒTE.

uanto. Nēue cui muneris poenitentia subito. Quod si quis anno supēriore peregre fuit, eāq; causa munerū expers fuit, & illa accipito. Quin etiam pro tenuibus amicis æs alienum diuites soluunto, atq; etiam cōductarum ædium precium, si qui forte & hoc debent, neq; sunt soluendo. In summa uero, multo ante illud illis esto curæ, ut cognoscant, quare maxime sit opus. Rursum qui accipiunt, ne demissis donis ut exigu, is queruntor, & quicquid mittetur, qualecumq; fuerit, id magnū ducanto. Vini cadus, aut lepus, aut pinguis avis, inter munera Saturnalitiae ne habētor. Nēue Saturnalia dona in risum uertunto. Remittito uicissim diuiti pauper. Si doctus est, libellum aliquem ueterem, aut si quid ipse conscripsit, quod fausti sit ominis, & conuiuijs accommodum, quale cumq; potuerit. Atq; id diues lēto admodum, hilariq; uultu accipito. Acceptum protinus perlegito. Quod si recusarit, reiecerit uie, sciat sese ijs quæ de falce minatus sum, obnoxium esse, etiā si miserit, quicquid alioq; mittendum erat. Porrò reliqui, coronas aliij, aliij turis frustula mittunto. Quod si pauper, aut uestem, aut argentum, aut aurum, supra facultatem diuiti miserit, id quidem, quod missum fuerit, publicum esto, cōflatumq; in Saturni thesaurū infertor. Ipse uero pauper postridie plaga à diuite, manibus ferulæ suppositis accipito, non pauciores quin quaginta supra ducetas. Leges cōuiuiales. Lauandū est, ubi linea sex erit pedum. Ante lauandū, nucibus ac talis lusitādum. Vbicunq; casus cuiq; locum dederit, ibi accūbito. Dignitas, aut genus, aut diuitiæ, parum momenti habento, ut prius alicui ministretur. Eodem de uino omnes bibunto. Neq; prosit diuiti, si causetur uel stomachi, uel capititis dolorem, ut ideo bibat de meliore. Carniū omnibus æqua portio. Ministri ne cui quid fauore danto, neq; contantor, neq; prætermittunto, donec ipsis uisum fuerit, quæ tollēda erunt. Neq; huic quidē magna, illi uero perexigua apponunto. Nēue huic coxa suis, illi maxilla apponitor, sed in omnibus æqualitas esto. Pocillator, acutis oculis unūquæque obseruato, minus tamē herum. Acutius etiam exaudito. Calices omnis generis sunt. Ad potandum inuitare si quis uoluerit, ius esto. Omnes omnibus præbibūto, si libeat, ubi præbiberit diues. Neq; quisq; bibere compellitor, qui non ualeat ad compotationem. Ne liceat ipsis, neq; saltatorem, neq; citharcedum inducere, qui nuper discere cœperit. Qd si cui libeat dicteris uti, liceat, sed hactenus adhibeatur modus, aut ne sint molesta. Super omnia, pro nucibus ludunto talis. Si quis deposita pecunia talis luserit, in posterum usq; diem ieunato. Et maneto quisq;, & abito cum uoluerit, Porrò cum diues famulos suos conuiuio accipiet, tum amici quoque una cum ipso ministranto. Leges hasce singuli diuites, ærea columnæ inscriptas, in aulæ meditullio

Forte legendū
τροπιόπτος
ut uertit Eras
mus. Alioq;
si legas τρο
πιόντες sen
sus erit pri
usq; bibat dī
ues.

ditullio habento, ac legunto. Atque id quidem sciendum est, quo ad ea columna manebit, neq; fames, neq; pestilentia, neq; incendium, neq; quicquam alioqui molestum, in illorū domum subibit. Quod si quādo (id quod dī prohibeant) tollatur, abominanda sunt, quæ illis tum euentura.

EPISTOLAE SATVRNALES.

Ego Saturno salutem.



QVIDEM ET antea tibi scripsi, significans quonā in statu essem, & quemadmodum ob inopiam mihi periculum esset, ne solus omnium, expers relinqueret solennitatis, quā indixisti. Addidi & illud (nā me mini) iniquissimum esse, si nostrum alijs opibus ac de litij superfluerent, nihil ex suis facultatibus imper tientes pauperioribus, alijs rursum fame contabescerent, atq; id quidē instantibus Saturnalibus. Verum quoniam tum ad meas literas nihil respondisti, operæ premium existimavi, te denuo īsdem de rebus com monefacere. Tuū erat optime Saturne, sublata hac rerum inæqualita te, bonisq; in medio depositis, postea celebrandum festum edicere. Nam uti nunc res habent, formica camelus, quemadmodū aiunt pro uerbio. Quin magis tragœdiæ histrionem animo concipe, qui altero pede præaltis cothurnis sublimis insistat, cuiusmodi sunt Tragica cal ceamenta, altero uero sit incalceatus. Is si ad hunc modum instructus ingrediatur, uides necessario futurum, ut nunc excelsus sit, nunc humi lis prout hunc, aut illum pedem uicissim promouerit. Nec minor est in uita nostra inæqualitas, dum illi cothurnis fulti, adornante fortuna, Tragœdias in nos agunt. Contra magna pars pedibus, atq; humi ingredimur, quum & ipsi, scias uelim, nihilo deterius illis fabulam agere possimus, atq; ingredi, si quis nos quoq; ad eundē istum modū ador narit. Atqui ex poëtis audio, nihil harum rerum inter homines fuisse olim, quum tu solus adhuc imperium teneres. Verum tellus illis citra se rendi, arandiç laborē bona progignebat, cœnā unicuiq; paratam, uel ad satietatem usq;. Porrò flumina partim uinum, partim lac, erant au tem & quæ mel manabant. Quodq; est omnium maximum, aiūt illos ipsos homines aureos fuisse. Cæterum paupertatem omnino procul ab illis abfuisse. Nos contra non satis idonei sumus, qui uel plumbum uideri possimus, aut si quid etiam plumbo uilius, ut quorum plerisq; uiustus labore quæritur, ac passim paupertas, egestas, ac desperatio, & illud,